



# Tusagassiorfinnut nalunaarut Pressemeddelelse

## Naalakkersuisut KANUKOKA-lu ullumikkut 2010-mi kommuninut ataatsimoortumik tapiissutit pillugit isumaqatigiisummik atsiugaqarput.

Aningaasaqarnermut Naalakkersuisoq Palle Christiansen aamma KANUKOKA-p siulittaasua Enok Sandgreen 2010-mi kommuninut ataatsimoortumik tapiissutissat pillugit isumaqatigiisummik ullumikkut atsiugaqarput. 2010-mi kommuninut ataatsimoortumik tapiissutit 789,3 mio. koruuniupput.

5. marts 2010

Postboks 1037  
3900 Nuuk  
Oq/tel +299 34 50 00  
Fax +299 32 46 14  
oed@nanoq.gl  
www.nanoq.gl

2009-mi ukiakkut tusagassiutitigut aammalu illua'tungeriit saqqummiuttagaasigut tusaneqarsinnaavoq Naalakkersuisut KANUKOKA-llu 2010-mut Kommunit ataatsimoortumik tapiissutissaannut isumaqatigiisutissap anguniarnera ajornakusoorsima-soq. Inatsisartunit 2010-mut Aningaasanut inatsisissap akuerineqannginnerani isumaqatigiinnissaq anguneqanngitsoorpoq. Taamaammat isumaqatigiisutit ullumikkut atsiorneqartup imarisaa aningaasaliissutinut konto pingaarnep, 20.05.20 Kommunit ataatsimoortumik tapiissutit, iluani Inatsisartut Aningaasanut Inatsit 2010 pillugu akuersissuteqarneranni erseqqissaaneruvoq.

Illua'tungeriit isumaqatigiinngissutigineruaat ataatsimoortumik tapiissutit 2010-miit 30 mio koruuninik appartinneqarnissaat. Illua'tungeriit akornanni isumaqatigiinngissutaa-sut isumaqatigiisummi atsiorneqartumi erseqqinnerusumik allaaserineqarput, taakku-lu uani atuarneqarsinnaapput: [www.kanukoka.gl](http://www.kanukoka.gl) aamma [www.nanoq.gl](http://www.nanoq.gl).

Naalakkersuisut aamma KANUKOKA ataatsimoorlutik aqqissuussaannermut iluarsartuusseqqinnerup suliniutigineqarnerata ingerlaqqinnissaanut qilanaarput, tassanimi anguniakkat ilagimmassuk Namminersorlutik Oqartussat kommunillu akornanni sulias-sat tulluarnepaamik agguataarneqarnissaasa anguneqarnissaa. Naalakkersuisut Inatsisartut 2010-mi upernaakkut ataatsimiinneranni kommunit pillugit nassuiaammik saqqummiussaqaarniarput. Nassuiaatip aqqissuussaannermut iluarsartuusseqqinnerup suliarineqarnerata ingerlaqqinnissaanut pingaaruteqarnissaa ilimagineqarpoq.

Isumaqatigiisut atsiorneqartoq [www.kanukoka.gl](http://www.kanukoka.gl) -imi aamma [www.nanoq.gl](http://www.nanoq.gl) -imi atuarneqarsinnaavoq. Sukumiinerusumik paasisaqarusukkuit Aningaasaqarnermut pisortaq Peter Beck, telefon 34 52 01-mut imaluunniit pisortaq Martha Labansen, tele-fon 32 21 00-imut attavigisinnaavatit.

Palle Christiansen  
Aningaasaqarneq pillugu  
Naalakkersuisunut ilaasortaq

Enok Sandgreen  
Kalaallit Nunaanni Kommuneqarfiit  
Kattuffiannut siulittaasoq